

## Universitätsbibliothek Paderborn

**Joan. Baptistæ Santolii Canonici Regularis Victorini  
Carmina Selecta**

**Santeul, Jean de**

**[S.I.], 1679**

Ad Celsissimum Principem Ferdinandum Furstembergum Episc.  
Monasteriensem.

**urn:nbn:de:hbz:466:1-13401**



AD CELSISSEUM PRINCIPEM  
**FERDINANDUM**  
**FURSTEMBERGIUM**

EPISC. MONASTERIENSEM.

*J. B. SANTOLIUS Victorinus.*



Um meditor, Magne ô PRINCEPS, tibi  
pendere carmen,

Principe te dignum, & quando favet aura Poëcis,  
Jamdudum incœpto tandem dare vela labori.

Grande aliquid de me expectans mea Gallia tantum  
Interrupit opus ; longos vigilata per annos  
Carmina distuleris , dixit, nondum ille supremos ,  
Promissos fatis , nondum conscendit honores.

Nam licet ANGARIAE clarus de sanguine gentis,  
Ardentem bellis Europam arrexit omnem  
Consiliis, haud belligeris Heroibus impar  
FFRNANDUS, vestrasque Artes ditarit opimis  
Muneribus, musis pariterque intentus & armis.  
Est aliquid maius, quod nondum aperire Poëtis  
Fata sinant: dabit egregii argumenta laboris  
Longe alia. O quantis se tollet honoribus Heros!  
Qualis erit! Quos non populos ditione tenebit?  
Cùm solio Princeps leges dictabit ab alto  
Pacifer & positis latè dominabitur armis.  
O quâ voce! quibus clamoribus ora sonabunt?  
Quot plausus populorum, & quam lœtæ undique  
voces?

Primum TEUTONICAS ibit cita fama per urbes,  
FERNANDUMQ; tubis canet omnibus, inde Latinos  
Imperii fines, ubi quondam Romula tellus,  
Antevolans curret, mox totum lapsa per orbem;  
Affensu elata unanimo, & concordibus auris,  
FERNANDUM Mitrâ radiantem, auróque coruscum;  
Et populis dantem sua jura, & Regibus ipsis,  
Vulgabit, vos docti, hìc vos durate Poëtæ;  
Carmina tunc mutanda, novo tunc ore canendum;  
Cessabunt fera bella, impacatique furores,

Tum bona Pax veniet, sed adhuc trepidantibus aliis,  
FERNANDI ante pedes , vultus demissa modestos  
Et veniet pia Relligio , tot diruta templa ,  
Atque aras , ritus sanctos , contemptaque sacra;  
Effigiem belli horrendam , & spectacula dira ,  
Monstrabit : Pietas succedet & arma volenti  
Subducet sensim , galeasq; & spicula , & enses ,  
Terrificos enses , pedibus thoracas ahenos  
Projicit calcans , Martis monumenta cruenti.  
Quæ modo compositis accedit gloria rebus !  
FERNANDO quis honos ! Totum pacaverit orbem  
Terribilis LODOICUS , & omnibus otia terris  
Fecerit , indomitum frænans sub pectore Martem ;  
Fœderis in partem veniet FERNANDUS , & unâ  
Pacem ob-signabit , sed andoque annuet Orbi  
Arbiter & pacis : dabit ingens Sequana plausum  
Ingentem , & totâ respondens Luppia ripâ  
Victorem LODOICUM undis feret omnibus , omnesq;  
In placido ludent gaudentes littore Nymphæ ,  
WESPHALIDES Nymphæ. Jurabit fœdera PRINCEPS  
Ipse volens , Francæ quæ maxima gloria genti.  
Undique dispersis dediscent prælia castris ,  
Exuti simul arma Duces , non ensibus enses ,  
Signaque Liligeris non amplius æmula signis.

Ne pacem hanc turbate odiis, quippe asper in armis  
Ille erit, æratas secum trahet ille cohortes;  
Dux belli, si fata jubent, in utrumque paratus,  
Aut bellum gerere, aut animos componere paci.  
Quod potius reor, & Superi quod numine firmant:  
Ille idem regum summos æquabit honores,  
Et quo cœlum aperit, vincet regalia sceptra  
Pastorale Pedum, nec cedet Mitra Coronis.  
Quin Pietas subdet grandes ad fortia sensus:  
Hanc animam quam debet avis Heroibus Heros  
Ipse, sacris animam hanc effundet prodigus aris.  
Incipe tunc resonare, & liberiore Minervâ,  
AMISI ad ripam, pacali cinctus olivâ,  
Omnibus ingentem FERNANDUM ostendere terris.  
Nec tua, quæ cecinit regum, laudésque deorum,  
Musa reformidet tam doctas PRINCIPIS aures,  
Ipse tibi ingentes animos, mentem ipse parabit.  
Bella alii certent, quærant è strage triumphos;  
Tinctasque affectent inimico sanguine lauros,  
Longè alias lauros, alios longè ille triumphos  
Ambiet, & monitis jam tum cœlestibus actus,  
Cominissos blando imperio, quos lumine pascet  
Divino, populos reget, imprimisque cavebit  
Ne tot monstra Erebi batavis grassantia terris  
Cor-

Corrumpant puram, quam protegit undiq; gentem.  
Quin etiam Pestes rupto ex Acheronte profectas,  
Terribilis sacro aspectu, nudo ense fugabit:  
Hinc stolidi errores, cœcis gens nata tenebris,  
Et male tuta suas repetent Mendacia noctes.  
Hæc tua erunt facta alta, tui hæc, *Fernande*, triūphi.  
Tunc cytharas pulsate omnes, & acuta sonantes  
Centum implete tubas valido pulmone Poëtæ.

Dixit & ante oculos FERNANDI major imago  
Visa mihi, ô quanta se majestate ferebat!  
Regia quæ toto gravitas spirabat in ore!  
Obstupui: tum Diva agitantem pectora Phœbum,  
Multæ animo meditans, iniunco frigore pellit.  
Pierius calor, atque unâ me Musa reliquit.  
Sic ubi liber equus stabulis egressus apertis,  
Cui fræna injecit dominus, fremit ille teneri  
Impatiens, jam jam spe alacer transmittere campos,  
Addere se spatia in vasta, & prævertere ventos.  
Exultantem animi, & nimia virtute ferocem,  
Vix dum sensit eques, donec subsederit ardor,  
Castigat, mulcetque ferum, in stabula alta reducit,  
Ut dum propositis Rex ponet præmia ludis,  
Nobilior campo virtus se ostendat aperto

